

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ODLUKA

**O PRIHVATANJU ZADUŽENJA PO UGOVORU O ZAJMU IZMEĐU BOSNE I
HERCEGOVINE I EVROPSKE BANKE ZA OBNOVU I RAZVOJ (EBRD) ZA
REALIZACIJU PROJEKTA VODOSNABDIJEVANJA GRADAČAC**

Sarajevo, oktobar 2017. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Predstavnički dom Parlamenta Federacije Bosne i Hercegovine na ___ sjednici održanoj _____ i Dom naroda Parlamenta Federacije Bosne i Hercegovine na ___ sjednici održanoj _____ d o n o s i

ODLUKU

O PRIHVATANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I EVROPSKE BANKE ZA OBNOVU I RAZVOJ (EBRD) ZA REALIZACIJU PROJEKTA VODOSNABDIJEVANJA GRADAČAC

I.

Prihvata se zaduženje Federacije Bosne i Hercegovine (u daljem tekstu: Federacija BiH) po Ugovoru o zajmu između Evropske banke za obnovu i razvoj (u daljem tekstu: EBRD) i Bosne i Hercegovine (u daljem tekstu: BiH) za realizaciju Projekta vodosnabdijevanja Gradačac u iznosu od 6.000.000,00 EUR.

II.

Sredstva kredita iz tačke I. ove Odluke koristit će se za realizaciju Projekta vodosnabdijevanja Gradačac u proširenju postojeće vodovodne mreže u Općini Gradačac koja obuhvaćaju naselja smještena u južnom dijelu Općine i unapređenje postojećeg sistema vodosnabdijevanja.

III.

Sredstva kredita iz tačke I. ove Odluke, odobravaju se Federaciji pod sljedećim uslovima:

- iznos zajma:.....6.000.000,00 EUR-a
- rok otplate:.....15 godina
- grace period:.....3 godine
- kamatna stopa:.....šestomjesečni EURIBOR plus marža 1% godišnje
- jednokratna provizija:.....1 % na iznos glavnice zajma
- dospjeća:.....polugodišnje u jednakim otplatama glavnice
- provizija na raspoloživi iznos zajma:.....0,5 % godišnje na nepovučeni iznos zajma

IV.

Potvrđuje se da je razmatrana dokumentacija prihvatljiva za Federaciju, a posebno:

- Ugovor o zajmu između EBRD-a i BiH;
- Nacrt Ugovora o podršci projekta između Federacije BiH, Općine Gradačac i EBRD-a;
- Projektni ugovor između JP Komunalac Gradačac d.d. i EBRD-a.

V.

Sredstva zajma iz tačke I. ove Odluke Federacija će se na osnovu zajma prenijeti na općinu Gradačac i JP Komunalac d.d. Gradačac, koji su krajnji korisnici i dužnici po zajmu i to:

- Općina Gradačac -	4.000.000,00 EUR
- JP Komunalac d.d. Gradačac -	<u>2.000.000,00 EUR</u>
	Σ 6.000.000,00 EUR

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija da sa Općinom Gradačac i JP Komunalac d.d. Gradačac usaglasi i sklopi odgovarajući Podugovor o zajmu kojim će, u svrhu redovne otplate, definirati uslove vraćanja sredstava koja se prenose na osnovu zajma.

VII.

Daje se saglasnost za zaključivanje Supsidijarnog sporazuma između BiH i Federacije, kao i saglasnost za zaključivanje i usaglašavanje odgovarajućih Podugovora o zajmu između Federacije sa Općinom Gradačac i JP Komunalac d.d. Gradačac, kojim će se, u svrhu redovne otplate, definirati usluvi vraćanja sredstava koja se prenose po osnovu zajma.

Za potpisivanje Supsidijarnog sporazuma i Podugovora o zajmu, ovlaštava se federalni ministar finansija.

VIII.

Za realizaciju ove Odluke i izvještavanje zadužuju se Federalno ministarstvo finansija, Općina Gradačac i JP Komunalac d.d. Gradačac, svako u okviru svoje nadležnosti.

IX.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

X.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije BiH, a potom i Podugovora o zajmu između Federacije BiH sa Općinom Gradačac i JP Komunalac d.d. Gradačac, na osnovu kojeg će Federacija BiH sredstva zajma proslijediti Općini Gradačac i JP Komunalac d.d. Gradačac kao krajnjim dužnicima i korisnicima zajma predmetnog Projekta.

Sredstva zajma koristit će se za finansiranje Projekta vodosnabdijevanje Gradačac. Cilj projekta je poboljšanje elementarnih uslova života stanovništva na području južnog dijela općine Gradačac kroz osiguranje dovoljnih količina pitke vode izgradnjom primarne i sekundarne vodovodne mreže.

Obrazloženje pojedinih tačaka

Tačka I. je nužna kako bi se prihvatilo zaduženje Federacije BiH kod EBRD-a

Tačkom II. potvrđuje se namjena utroška sredstava zajma.

Tačkom III. precizirani su uslovi zajma.

Tačkom IV. potvrđuje se da je dokumentacija parafirana tokom pregovora s EBRD-om prihvatljiva za Federaciju BiH, što je uslov da BiH i EBRD pristupe potpisivanju Ugovora o Zajmu.

Tačkom V. se definira način implementacije Projekta, te da nije potrebno osigurati dodatna sredstva u buždetu Federacije BiH za ovu namjenu.

Tačkom VI. se definira obaveza Federalnog ministarstva finansija da s Općinom Gradačac i JP Komunalac d.d. Gradačac usaglasi i sklopi odgovarajući Podugovor o zajmu.

Tačkom VII. daje se saglasnost za zaključivanje Supsidijarnog sporazuma s BiH, Podugovora o zajmu između Federacije BiH sa Općinom Gradačac i JP Komunalac d.d. Gradačac i ovlaštenje federalnom ministru financija da u ime Federacije BiH potpiše iste.

Tačkom VIII. u okvirima nadležnosti definira se obaveza za realizaciju Odluke i izvještavanje.

Tačkom IX. se potvrđuje da za implementaciju Ugovora o zajmu i projektu nije potrebno donijeti nove ili izmijeniti postojeće zakone.

Tačka X. propisuje stupanje na snagu ove Odluke.